



Universitätsbibliothek Paderborn

Tractatvs De Necessitate Et Modo Ministrandi Sacramenta Tempore pestis

Chapeauville, Jean

Mogvntiæ, 1612

19. Quid censendum sit de modo consecrandi, & ministrandi illorum, qui non habentes hostiam seu formam panis consuetam ad consecrandu[m], consecrant in pane azymo, vel ex hordeo, vel ex auena, vel ex ...

urn:nbn:de:hbz:466:1-41077

QVÆSTIO XIX.

Quid censendum sit de modo consecrandi & ministrandi illorum, qui non habentes hostiam seu formam panis consuetam ad consecrandum, consecrant in pane azymo, vel ex hordeo, vel ex silagine, vel ex spelta confecto, ut illam agro ministrent?

Quæstionis explicatio.

Plerisque in locis patriæ Leodien. panis visualis ordinarie conficitur ex frumento, tritico, spelta, silagine, nonnunquam etiam ex hordeo, auena, & quibusdam aliis leguminibus; quid igitur si desit panis ex frumento vel tritico confectus, sit autem ex spelta, silagine vel leguminib. poteritne ex huiusmodi pane consecrare formulas egris ministrandas?

Responso.

R. I. Probandus est modus illorum, qui consecrant & ministrant hoc sacramētūm in pane confecto ex silagine, quicquid dicant (a) Richardus, (b) Aler (c) Paluda-
nus, summa (d) Angli (e) Rosella, quia certūm est, apud si siliginem si-
gnificare speciem frumenti, sicut & triti-
cum, imo esse triticūm, quamvis paulo charifia:
minus pingue, eo quod crescat in Ar-
denna, Condrusio & terris magis sterilibus:

Y 4 quod

a D. Thom.
3 p. q. 74. ar.
vii. 4.
b Caiet. in
D. Thom.
c verb. Eu-
charist. l. n. 3.
d Plin. lib. 25.
hijst. nat. c. 8.

quod nobiscum sentiunt D. (a) Thomas,
(b) Caietanus, (c) Syluester, nec alii dissentient,
si sciuerint, his in partibus filigenem
significare triticum, quamuis non ita perfe-
ctum, quia illa imperfectio accidentalis
est, nec tritici substatiā mutat; quod nec
ignorauit (d) Plinius, qui filigenem delicias
tritici vocat.

e supr.

R. 2. Modus conficiendi & ministrandi
in pane ex hordeo incertus est, & idcirco
simpliciter reprobandus, imo secundum
D. (e) Thomam, Sylvestrum & alios certum
est non posse confici ex illo hoc sacra-
mentum, quia iuxta illos non est triticeus, sed
specie ab illo differt, sicuti hordeum à tri-
tico, quod bene in hac patria notandum est,
quia in quibusdam eius partibus panis v-
ialis ex hordeo confici solet.

R. 3. Modus conficiendi & ministrandi
in pane ex avena omnino reprobandus est,
quia satis certum est auenam neque tri-
ticum neque frumentum esse. Patet ex ma-
gna differentia, quæ apparēt in exteriori-
bus accidentibus & effectibus, colore, sa-
pore, &c aliis.

R. 4. Modus consecrandi & ministran-
di in pane ex spelta confecto est dubius,
quia spelta est materia dubia, siquidem Al-
bertus (f) Magnus, Thom. (g) de Argentina,

Petrus

F in 4. diff.
xi. art. 7.

g ibid. art. 1.

Petrus (a) de Palude, (b) Caietanus, (c) So-
tus putant esse materiam sufficientem. Alii
vero, ut D. Thomas (d) Richardus (e) Dio-
nysius (f) Syluester (g) putat non esse suf-
ficientem, vel saltem dubiam: non licet a.
propter reuerentiam tanti sacramenti con-
ficere in materia dubia: ergo simpliciter
hic quoq; modus est dubius, & consequen-
ter reprobandus.

Dices. Albertus Magnus rerum natura-
lium peritissimus, dicit speltam speciem es-
se frumenti, & secundum Sotum omnes
Dictionarii affirmant, speltam speciem esse
tritici, & ex eo fieri panem delicatum: D.
Thomassetiam asserit in quibusdam regi-
onibus ex spelta confici panem ad usum sa-
cramenti, & vereor in vicinis locis Ardu-
enna & Condrusii, ubi fere ex solo pane
speltaceo vivunt, hodie ex farina illius co-
isci panes ad usum sacramenti. E. &c.

R. Propter huiusmodi argumenta iam-
di mihi persuasum fuisse, speltam nostratē
qua quotidie in pane confiendo ex cere-
alisia coquenda vtrum, veram & certā esse
materiam huius sacramenti: Verum re p-
plus examinata, et si existime in cum Alber-
to, Soto, & aliis superius allegatis, materiā
esse sufficientem, fateor tamen esse incer-
tam, & consequentur modum in ea mini-

Y 5 Itan-

stradi reprobari debere, præsertim si Summus Pontifex (ut dieitur alibi afferere Dionysius Carthusianus) definiuerit, speltam esse speciem hordei non tritici. Neque vallet, quod Sotus dicit, quæstionem hanc ad Curiam Romanam non pertinere, cum sit physica, quia ex hac quæstione Philosophica dependet decisio quæstionis Theologicæ, quæ certo ad Pontificem Maximum pertinet.

Dices secundo. Ex solone igitur pane ex frumenti sive tritici farina confecto, potest Eucharistia consecrari & ministrari?

a Supra cit.

R. Ex eo solo, quod ita certo à plerique (a) asseritur, ut nemo illud sine temperitate & erroris periculo negare possit.

Dices tertio. Quid si dubium sit, an granum sit frumentum seu triticum, poteritne saltem stante huiusmodi dubio in hoc casu, quo aliud haberi non potest, consecrari sub conditione?

R. Non poterit, sufficit enim materiam esse dubiam ad hoc ut in illa non possit consecrari & ministrari, quia, ut ante annotauimus, præferri debet reuerentiae sacramenti tali, quali necessitatibus priuatæ personæ, quod ante nos sineulla exceptione affirmauit (b) Alanus.

QVÆ-

b lib. i. de eu
charist. c. II.